

საკრებულოს ეკონომიკური განვითარების,  
საინვესტიციო პოლიტიკის და საერთაშორისო ურთიერთობების  
კომისიის სხდომის

ოქმი #46

2021 წელი 22 თებერვალი 14 საათი

ქ.თბილისი, თავისუფლების მოედანი #2

სხდომას ესწრებოდნენ კომისიის წევრები:

ნ.რუხაძე, ო.გრიგოლია,  
ა.ხუჯაძე, ლ.დარახველიძე  
ქ.ჯოხაძე,

სხდომას ესწრებოდნენ აგრეთვე:

ქ.თბილისის მუნიციპალიტეტის მერიის ეკონომიკური განვითარების  
საქალაქო სამსახურის უფროსი ვახტანგ ლომჯარია

სხდომას თავმჯდომარეობდა:

კომისიის თავმჯდომარე

ლევან არველაძე

სხდომის თავმჯდომარე ლ.არველაძე მიესალმა დამსწრე საზოგადოებას და  
სხდომა გახსნილად გამოაცხადა.

კომისიის წევრთა მიერ მოწონებული იქნა და ერთხმად დამტკიცდა სხდომის  
დღის წესრიგი

სხდომის დღის წესრიგი:

1. ქ.თბილისის მუნიციპალიტეტის მერიის ეკონომიკური განვითარების  
საქალაქო სამსახურის მიმდინარე პროექტების შესახებ

2. ეკონომიკური განვითარების, საინვესტიციო პოლიტიკის და საერთაშორისო ურთიერთობების კომისიის თავმჯდომარის არყოფნის შემთხვევაში, თავმჯდომარის უფლებამონაცვლის საკითხის განსაზღვრა.

მოსმინეს:

1. ქ.თბილისის მუნიციპალიტეტის მერიის ეკონომიკური განვითარების საქალაქო სამსახურის უფროსმა ვახტანგ ლომჯარიამ ისაუბრა საქალაქო სამსახურის მიმდინარე პროექტების შესახებ

- ქ. თბილისის მუნიციპალიტეტის მასშტაბით უძრავი ქონების საბაზრო ღირებულების შესწავლა. კვლევის შესყიდვით მივიღებთ ქ. თბილისის მუნიციპალიტეტის, მისი თითოეული რაიონის და უბნის ძველი აშენებული და ახალაშენებული უძრავი ქონების ტრანზაქციების რაოდენობას და საშუალო შეწონილ ფასს.

სტატუსი: მიმდინარეობს გამარტივებული შესყიდვისთვის საჭირო პროცედურები.

- ტურისტული ბილიკების მარკირება ((2 ტურისტული ბილიკის მარკირება) და შესაბამისი ინფრასტრუქტურის მოწყობა. ქ. თბილისის მუნიციპალიტეტის ტერიტორიაზე საფეხმავლო ბილიკების მონიშვნა და ინფრასტრუქტურის მოწყობა უნდა განხორციელდეს შემდეგი მიმართულებით: უძოს მონასტერი - კუს ტბა, ბეთანიის მონასტერი - ბეთანიის აგარაკები.

უძო - კუს ტბის მარშრუტზე დამონტაჟდა 11 ბოძი (ადგილის ნიშნით), 10 ერთწარწერიანი და 9 ორწარწერიანი მანიშნებელი, 2 ცალმხრივი და 2 ორმხრივი საინფორმაციო დაფა, ბავშვებისთვის განკუთვნილი სამი ორმხრივი საინფორმაციო დაფა, 1 ფანჩატური, ცეცხლის დასანთები ადგილი დასაჯდომით.

ბეთანიის მონასტერი - ბეთანიის აგარაკების მარშრუტზე 6 ბოძი (ადგილის ნიშნით), 10 ერთწარწერიანი და 4 ორწარწერიანი მანიშნებელი, ცეცხლის დასანთები ადგილი.

სტატუსი: დასკვნით ფაზაში

- „ქალაქ თბილისში, შპს „ცენტრ პოინტ ჯგუფის“ დაუსრულებელ მშენებლობებთან დაკავშირებით, რიგი ღონისძიებების განხორციელება. სამსახურს დაევალა ცენტრ პოინტ ჯგუფის დაუსრულებელი მშენებლობების წარმოებისთვის დადებული ურთიერთთანამშრომლობის მემორანდუმის აღსრულების კონტროლი და აღნიშნულის აღსრულების პროცესში წარმოშობილი საპროცედურო საკითგების წარმოება (მიმდინარე სამუშაოების შეთანხმება და მუნიციპალიტეტის მთავრობის სხდომაზე წინადადებების დაყენება, საბანკო გარანტიის დაცვა და საჭიროების შემთხვევაში წინადადების დაყენება თბილისის მთავრობის სხდომაზე)

სტატუსი: მიმდინარე, მომზადდა მთავრობის განკარგულებები თანხის გაცემაზე და სამუშაოების შეთანხმებაზე.

- თბილისისი ტურისტული პრომოუშენი - მიმდინარეობს მოლაპარაკებები მსოფლიოში ცნობილ ინფლუენსერებთან, ჟურნალისტებთან, ბლოგერებთან თბილისში ინფო ტურის ორგანიზების შესახებ. შედეგად თბილისის შესახებ პოსტები განთავსდება სოციალურ ქსელეზა და საერთაშორისო მედიაში.
- თბილისის შესახებ სტატიების საერთაშორისო მედიაში განთავსება - მიმდინარეობს პირდაპირი შესყიდვის დოკუმენტაციი მომზადება, შედეგად თბილისის შესახებ სტატიები განთავსდება National Geographic, Wanderlust, საპრომოციო დოკუმენტურ ვიდეოს კი დაამზადებს Globetrotter Show ჯგუფი (განთავსდება amazon prime, sky).
- ადგილობრივი ადამიანური რესურსების განვითარება - მიმდინარეობს სასწავლო პროგრამების, სემინარების შემუშავება რამდენიმე მიმართულებით (მათ შორის ტურისტული უსაფრთხოება, ეფექტური გაყიდვები, სოციალური მედიის გამოყენება, ელ. კომერცია და ა.შ.) სემინარები განხორციელდება მარტი-აპრილის პერიოდიდან.
- თბილისის საინვესტიციო პროექტების და ბიზნეს გარემოს ხელშეწყობისთვის Start up Grind და Amcham -თან ერთად მიმდინარეობს მსოფლიოს ცნობილი და გავლენიანი ტექ ინვესტორების და ინფლუენსერების ინფო ტურების დაგეგმვა. პროექტი დაიწყება მარტიდან.



2 ქ.თბილისის მუნიციპალიტეტის საკრებულოს რეგლამენტის შესაბამისად, კომისიის თავმჯდომარის მოვალეობის შემსრულებლად კომისიის თავმჯდომარის მიერ მისი უფლებამოსილების განხორციელების შეუძლებლობის, თანამდებობიდან გადადგომის ან გადაყენების შემთხვევაში წარმოდგენილი იქნა ლევან დარახველიძის კანდიდატურა. კომისიის წევრებმა ერთხმად დაუჭირეს მხარი ზემოაღნიშნულ კანდიდატს.

კომისიის სხდომა წარიმართა კითხვა-პასუხის რეჟიმში. აზრი გამოთქვეს ლ.არველაძემ, ო.გრიგოლიამ, ლ.დარახველიძემ, ნ.რუხაძემ. საქალაქო სამსახურის უფროსმა ამომწურავი პასუხი გასცა დასმულ შეკითხვებს.

ლ.არველაძემ სხდომა დახურულად გამოაცხადა

სხდომის თავმჯდომარე



ლ.არველაძე